

摘藻堂四庫全書薈要

集部

欽定四庫全書薈要

集部

御製詩三集卷十三

四



欽定四庫全書會要卷一萬三千四百四十二

集部

御製詩三集卷十三

古今體一百三十三首

辛巳五

孟夏有事

太廟禮成

撰日惟中朔協時逮正陽天經欽與祭世德永延昌

僎見神容對駿奔宗子襄一灣引金水

先是太廟沿明舊制戟門

外有溝橋而無水茲命引金水橋
之水流經橋下成河允協形勝云
萬葉衍銀潢

首夏承光殿

太室脩禋罷

仙園問

寢迴更衣因便路
憩駕陟崇臺
雨裏多清況
風前無點埃
研甌芳潤漱
可以託吟裁

積水潭三首

積水蒼池蓄衆流
節宣形勝輦皇州
䟽淤導順植桃柳
三里長溪可進舟

一座湖亭倚大隄兩邊水自別高低片時濟勝浮煙舫
春樹人家望轉迷

煙中遙見廟垣紅瞬息靈祠抵滙通雨意溟濛猶未止
出郊即看麥苗芄

德勝門外

輕輿憑攬信怡懷煙樹千村綠潤皆八景春明傳竄勝
薊門今日識真佳

麥苗連隴秀將齊此雨多欣實可俟未敢滿言香餅餌

那無慰志慶端倪

詣暢春園問

安

雨中御園返敬為謁

思齋旋看

雩禋逮

初七日
齊三日即當

雩祭預
又還宮

又當法駕排詎辭勞玉轡

懼久濶

萱階奏對煙郊况端堪悅

懿懷

御園首夏三首

雨歇輕煙戀上林
繁紅帶潤綠方深
予心喜在農占好
餘事芳園耐可尋

春天多雨又稀風
養牡丹花錦綻叢
二十年來率未賞
敬勤惟是凜淵衷

言欲賞花旋命罷
憑他常侍笑空還
政經自我久成誦
狂聖惟爭一念間

春雨軒

文軒號春雨雨後恰纔來謀目惟芳潤因心得靜陪菜
畦樊問處杏埕董林材是處昔名菜圃即四
十景中杏花春館也為底多吟
緒霑膏實快哉

題自得軒紫藤花

女蘿施松上特立頗艱致獨樹見此花亭亭與他異植
之自得軒繫予有深意表貞殊凡品扶弱成良器傳架
引其蔓弗使衆木廁吐艷既盈庭鋪陰亦滿砌雨餘芳

潤漱自得義真契鐵中有錚錚卉譜徐宣類

藏密樓

宣尼十翼稱藏密藝祖諸門乃洞開詮易求心不求跡
田何陽叔可能哉

稻香亭

雨滋稻町插新秧較早常年一月強苗矣秀乎秀矣實
此時敢擬即云香

繪雨精舍

繪雨偶題軒春來屢沐恩果然叶佳兆那可忘名言畫
必稱米芾詩當屬許渾徐看霑沃野所樂固斯存

景暉樓

因迴得高樓疏前納遠疇木天思柳著

是處藝果種蔬
亭曰順木天圃

曰學圃

學圃緬樊諏攬景既無盡延暉每為留剏名非屢

易漫擬誚昭州

戲題狎鷗亭

臨水孤亭名狎鷗煙波無盡任飛浮一時寓意斯可耳

尚欲招延小隱流

甘肅巡撫明德奏報得雨

邊方連歉冀連收西望那忘部屋愁去歲幸歌秋有獲
今春益籲澤時流驛章喜報霑膏足農耒欣知趁潤脩
兵後逢年共休息

天恩惠我獨綢繆

雩祭進宮西直門外作

來往無非事

郊壇要必親敢云已逢渥惟望繼霑頻麥壠秀誠好黍
田長亦均三秋猶廛我一意祇勤民

復陰

復陰便冀雨復施作風又覺愁雙眉求全期善亦已甚
自解為公非為私官家安得有私處咄哉此言更失之
譬如我或行賞賚已獲仍求我鄙其託懷著語無倫次
念切祈年讀可知

戴嵩騎牛圖

奇傳戴嵩牛牧人在瞳子騎背擲參差此法如何擬畫
稱嵩畫有牛與牧童點睛圖明對照形容著目中之語
董道謂眸子點墨僅如脫殼安能更作人牛形殊不知
畫錄所云特以人牛相顧神光映發者言之乃不
善會形容目中之句而復為置辨則適之泥耳

齋居即事

節物逮清和齋居徒念多春膏幸霑麥夏澤籲滋禾幾
勅惟精一政齊不及過輕雲通晚布數問勢如何

張元舉山水

架木溪亭碧水濱俯澄何異坐船脣對談惟推煙霞賞

肯作羨魚結網人

雩祭禮成敬述

昊壇聳峙近青霄

雩典虔脩辰見朝駿假無言欽

旭卉嚴恭有恪仰

明昭歲功冀協金穰錫涼德敢稱玉燭調稠疊蒙
恩春澤美臣心益惕戒矜驕

首夏討源書屋偶題

綠陰漸滿紅點池

夏清此軒退食宜我所討源殊漁父偶同洞口捨船時
鑑遠堂

眼底空澄連萬頃鑑原由近遠還同設徒求遠翻忘近
吾恐其間或蔽蒙

登望蟾閣

高閣聳三層乘閒此竭登望宜銀海月清擬玉壺冰片
刻還成去一年幾度憑迴頭忽失笑五字是相應

樂壽堂得句

望蟾閣下放煙航徑渡山陽樂壽堂
翠栢樹惟標古色碧桃紅却戀春光
四圍悅目皆仁智一晌會心有縹緲
得句便教移步輦所無逸不為遊忙

養雲軒

到來卓午晴忽見吐英英越是霑膏後
偏饒奢望生寫楹醞釀勢布宇卷舒情
今歲雲真好高軒信副名

戲題聽鸚鵡館

清和漸覺綠陰稠
初聽林間黃栗留
笑我本非高逸者
雙柑何必襲風流

張則之山水

或榮青筇或理綸
分茶看竹足怡神
五君子不留名氏
總是煙霞物表人

雨

四月十二日

纔覺逾旬

天澤徯昨宵問徹
好雲低清晨細點
方成霏過午平原

已作泥二麥正資抽穗飽大田都慶吐秧齊感
恩詎敢云圖報惟有敬勤勉日躋

雨中泛舟三首

傍暮棼絲尚纚然平湖容與漾輕船披襟一點塵無處
惟聽鳴榔剪濕煙

問景聊乘雨墮間落來飛瀑合潺湲樓臺真是蓬萊島
祇在溟濛縹渺間

樹梢垂露水增流入夜寥寥勢未休最是予心深幸處

盼來未久獲來優

橫雲堂放歌

今歲書堂初斷手，顏以橫雲因興偶。却是徃徃叶嘉占，
盛名難副茲誠副。叶入夏雲生每作風，已恐春膏或孤
負。昨夜濃陰喜達晨，急霑徐霏徹夕久。橫雲今日信橫
雲，配藜藿尉滷戶牖。八伯興歌蹟漫希，一犁透潤澤誠
厚。

悅霽亭

春末夏初歌悅霽十年一遇信艱逢良辰美景能無樂
戒滿撓謙益有顓

翠交軒八韻

假山植真樹歲久翠陰交甘露常承葉祥雲每壓梢瑞
圖休鼓舞理趣喜含包不有四時運誰明六位爰隙中
無礙遠密處自相捎未許蛛懸網惟應鵲繕巢張如碧
油繖伴合綠瓊勺最愛微風拂琳枝颯沓敲

水村圖三首

時雨時晴首夏天插秧一月早常年水村佳景勝圖畫
著我幾間好試船

白芷青蒲綠水涵
槿籬茅舍學江南
知耕亦復思知織
桑葉初肥好浴蠶

下溪水引上溪流
西墅煙飛東墅浮
比似石渠同上品
石渠寶笈藏有
趙孟頫水村圖
饒他活處是宜遊

賦得坦坦蕩蕩

演漾披琳沼
豁廓敞網軒
息躬喜疏朗
遊目鮮囂煩
俯

仰四臨具括包一理存無私參義府順應滌情源玩物
寧堪貴甄心畧可論嘉茲君子德倬彼聖人言

清暉閣詠松風

清和時節綠陰滋便是松風也覺怡那似常年方望澤
聒聽謖謖蹙雙眉

駐葉爾羌大臣新柱等奏報得雨詩以誌慰

自古天方艱致雨今年還比去年優頻逢愷澤滋戈壁
乃覺微涼到火州笑口于思歌樂利纏頭亞旅事鋤耰

闢疆遠益勤民遠慰在綏豐逮海陬

題玉鏤戲嬰圖

芸編在手中戲不廢研攻魚缸如置側便擬是溫公

見聞

後錄記司馬光破甕救兒事無論小兒不能入甕然既入矣羣兒驚走其時已久必無得生之理且光時亦幼又烏能舉石破甕耶稗說承譌率不足信因並識之

王紱山水

有樹槎枒有石潺湲樂飢真可託高閒軸邁藉問為何處
只在梁溪惠嶺間

玉泉山西

偶憶香山欲暫居西溝緩轡一循諸種槐已自蔭塗滿
芄麥何曾見尺餘農事兆佳真慰矣

天恩盟獨祇瞿如三朝便爾偷閒往幾務仍勤敢懈予
首夏香山靜宜園駐蹕

山容依舊好棲遲早是年餘久別之似此匆忙渾少暇
向來構築又何為松巖翠濯新雨後藥圃紅翻首夏時
祇合忘言斯靜坐那更得句便前移

棲雲樓

石棧縈盤萬綠叢
山樓縱目俯長空
晴明尚爾霑衣潤
長史詩情想像中

海棠院戲題

棠院棠花自古今
紅芳銷盡綠陰深
普門親切示人句

院即在觀音殿後

莫向如來拈處尋

來青軒

遊目恰宜哉
來青今日來
熾然是賓主
邈爾且追陪
風

物清和好林嵐圖畫開年餘憶佳別安得置吟裁

栖月崖

栖月我所名曾未見月栖是謂想當然月崖兩不知因
悟一切稱無非揣度私誰能忘象詮可與言天倪

靜室口號

靜室香山擬竄高每來得句興因豪昆明湖上望蟾閣
疑是蓬萊駕海濤

夕

西近易為暮峯銜朱鳥沉清遊何必戀靜憩雅宜吟披
隙風來颯待虛月入深所饒前度者盼捷正縈心

題致遠齋

靜宜理事處顏曰致遠齋詎云寄山水因之緬茨階武
侯有至談寧靜興我懷是地信佳矣隔歲纔一來亦不
懈勅幾疇咨朝彥皆安邊謾詡遐晰理惟期諧一指苟
或蔽萬幾於焉垂致遠恒在近宵旰遑徘徊

賦得智仁山水德

山水自山水智仁實智仁見之斯有謂樂者豈無因動
處皆天趣靜常與物親出虛依峭蒨入影漾連淪互妙
渾泯迹相彰益契神憑觀師法在孰曰祇遊巡

碧雲寺

鹿苑壓崇椒雲廊開士寮一空惟寂寂

此俗所云寺者洗汚穢為

佛宇亦不置粥飯
僧乃覺清淨宜人

元著乃超超安得延僧爍猶然惡豎

刁倚欄評古蹟殷鑒在前朝

洗心亭

翠竹紅花各灑然水亭好是絕塵緣松門更有真佳處
悅性山房可試泉

縱引吟思是靜思雲端半畝滌天池洗心並且無心洗
妙合茲亭乃在茲

試泉悅性山房

試泉堪悅性聽我說其因淡洗六根滓靜祛十斛塵管
絃方已俗風月卜宜鄰隨意山花採過春却見春

學古堂

恰復今來憩因思古與稽周書三致意魯論首曾提遜
志時務敏崇功政不迷允懷惟矻矻未敢曰折折

雨香館作歌

谷縈峯抱千百轉竹嫩松蒼趣各單應接無暇總靜供
今日之遊興不淺行行亦至雨香館下視一綠誰能辨
一綠梢頭乃見遙昆明湖水當前展年來綴景頗致佳
是吾所愧非吾善峭風下巖雲盡捲四圍晴雨霏崢嶸
是藥文殊皆命採更當何處天花飄聲聲色色本真空

吾亦因之萬慮遣

閱健銳營習武

健銳垂營制勤教子弟兵果然實效獲遂用大功成者
定敢因懈詰戎益致精簡良行賞遍弧矢亦親抨

實勝寺八韻

金川昔奏績實勝葺祇園事蹟紀穹碣營規繕列屯已已

金川功成因就西山舊寺葺新之名曰實勝簡凱旋之
旅設健銳營發帑建屋以居之勤加訓練茲西師之役
得其力
居多
即今平厄魯更順定花門允藉鷹揚勇敢忘

鴻佑恩造功慶維兆嬉武戒猶存佛力恃奚可人為勉
應去聲敦聊因觀衆技便以識衷言怵惕外寧候范文有
至論

寶諦寺

鷲峯肖得文殊像構寺居之大方廣五臺所禮了不殊
今既非來昨非徃湏彌棗葉皆真容詎惟相好斯瞻仰
無同異中有異同譬見搔癢亦生癢大士不起分別心
流水間雲一安養

香山恭迎

皇太後來遊

安駕迎巖關清和風物間正長欣愛日

有喜奉

慈顏鶴唱方彈梵雲衣復舞斑今年逢大慶總覺祝
如山

歡喜園

盤盤陟峻竅精舍傍花宮縱我先憂者到茲所樂同雲

中聽野鶴松下有清風俯暢真歡喜方方綠麥芄

天池一首

天池衆峭巔一泓清且泚間館據上方文石砌旁溪出水有輕儵潛躍忘所以闖萍秋月間戢鱗春風裏誰謂澗底沈乃在雲端止物固視所託慎之哉君子

再題雨香館

沈水都梁尚待薰雨香總不藉人勤更看餅餌資誰力
吾豈聊為想像云

玉乳泉三首

嵌巖鍾乳滴淙淙
瀉入澄潭影漾溶
靈鼓氣機通上下
養珠定合有神龍

山下泉猶壯雨餘
可能對麥不欣予
三間適構路中處
來徃人勞聽憩諸

杉松筠籜翠相交
澗谷千盤曲且坳
佳陰不知行近遠
造巔下視綠雲梢

綠雲舫

山中綠已齊天半舫堪攜詎必登同李定知疏漏嵇氤
氲非藉筆沿泛不須隄艤棹宜何處武林西復西

閒

人以閒為樂我以閒為苦豈其好為異懼匪無逸所政
簡固佳事志肆非美舉來遊圖暢懷因閒轉惴怛

山泉

處處山泉澗底披出山不見衆稱竒依清厭俗彼誠得
獨善屯膏我弗為

竹鑪精舍烹茶戲作

竹鑪為愛僧房製精舍尋常率置旃欲擬遊山消半渴
早看調水走中涓武文火候容誰待冷熱茶湯劑已便
陸羽盧仝却失笑茗家清供豈其然

再題靜室

誰云斯室靜來便惹吟思縱目千里際拈鬚七步時清
風滿襟袖太古與追隨驀遇廣成子笄頭庶可期

即事

捲谷風來夏亦爽攀蘿行去望偏高不妨十步一留憩
輿者寧忘肩者勞

試泉悅性山房

為愛山房兩度來泉聲竹色淨無埃洗心亭上心先洗
那更消煩藉綠杯

碧照亭

六柱無十笏崕嶂上若騫天池臨澈底古鏡是軒轅
行藻梳演漾松竹影在裏東坡張懷民未免溷彼此

翠蘿倚作屏，淥水開為鑑。上下映帶清，著我虛舟泛。
既澄息諸慮，惟虛含衆妙。此意自古今，靜者間來照。

曠真閣

虛自納諸峯，高還出衆樹。憑欄領新要，陟梯欣始遇。裴
公霧盡斂，列子風常御。發蒙返其真，銍人有佳句。

臯塗精舍

巖谷深寒又避風，栽培仙植一叢叢。即看朗朗清虛府，
金粟遲時亦月宮。

清寄軒

勝遊那可戀香界勤政明當返御園三日駐山詩卅首
邈然清意寄斯軒

清曉香山迴蹕玉泉山西作

佳處寧當忘返哉平明清蹕御園迴輕輿覺熱逸兼戒
按轡乘涼興更催露氣潤猶灑曉際黍苗綠較長前來
玉泉適可晨傳膳遇勝還須有別裁

靜益書屋

書齋秀而野路便小棲遲已是日長候况當山靜時隔
林黃鳥喚繞砌綠蕪滋此處宜開卷寧湏諫宋琪

翠匝亭

一亭納翠鎮氤氲疊巘連林蔚綠雲湏識今來名易副
可忘前此正需殷

題掛瀑簷

瀑自峯間掛松簷豪致之應知無定相所遇有餘思月
處鏡虛拭風時練立漪康王谷簾側可似此般奇

靜緣書屋

一塵弗到六根蠲
山色水聲俱灑然
覓靜於斯不可得
方知是與靜為緣

縱目

縱目香山似畫圖
昨朝眺此畫不殊
可知羨起乎望彼
大都慢生於故吾
濯濯翠巖悟開士
方方綠麥欣農夫
雲逕延緣採香去
定須逢著仝喬徒

積書巖

築室傍幽巖積書於其裏巖可擅佳名大固括小耳歲
乃一再來枕經而蒔史可因悟誨咻了識無達理戴席
與邊笥笑蓋不如此

吳偉芝仙

水月精神土木形閒行適讀罷黃庭紫芝採得何須餌
名注丹臺骨本青

玉犬

一黃
一白

聞說麻姑仙去後千年一吠濟陽高牽如海上公孫見

養必雲中弘景遭絕客底湏誇善噬化民還擬任生致尾
本來原是和闐玉輯瑞聊因註旅樊

首夏萬壽寺

臚唱應明日駕還趁曉涼黍風輕遞爽麥露灑含光取
便臨香域

延禧備道場長河喜水足遂泛溯游航

倚虹堂題句

橋畔前辛構棟簷本因

登輦事壯嚴難言茅土風堪尚却視丹青色已淹今歲
重逢大慶舉十年一度煥新瞻似茲便更新千度究亦
吾心未覺厭

首夏承光殿

掄彥迴清禁怡情登迴臺蹟陳傳日下境美是雲來炎
避因蒼枯雨佳致綠苔披薰惟覺愧敢曰阜民財

畝鑑室

斟水渾成畝鑑池書齋池上對偏宜漫湏致誚涸堪待

且看常逢盈不虧一節之明皆自得無私而照即吾師
設如水落原非鑑物意不留高更奇

題悅心殿

豁摩山殿俯孱顏義府優游片刻間若問予心何所悅
適來郊外綠畦間

四月廿五日御殿傳臚紀事

雅化作人祝

壽慈金階臚唱麗晴曦既求真學頒新制亦體常情改

近期

去歲以磨勘需日定於五月五日殿試初十日傳臚茲念多士守候時久命速行磨勘於四月廿一

日殿試廿五日傳臚

公舉不教存已見明敷還預定其辭

命讀卷者毋得

存已見俟榜後別令大臣覆勘去取同異又新定引見之例然先進其文朕就其文定甲乙後乃令按名引見於是殿試之制簡而益備矣

西人魁榜西平後

今歲狀元陝西韓城縣人王杰國朝百年

以來乃可識

天心偃武時

茂對齋

御殿更衣此憩遲宣毫江硯雅相宜可知茂對熙怡處

正是南薰長養時

枕巖亭

假山壘真石相忘以歲久四柱枕其巔風月隨所受峭
嶺蒼崖直矗傑池翠陰糾豈不在城郭居然謂林藪移情
咫尺間濠濮夫何有

謝時臣山水

窠臼名家終不同疊峯迴出寺樓紅
那須留白為雲氣
林靄山嵐鎮鬱葱

漢玉辟邪璧

中規一片崑崙精玉人細刻辟邪形
延吉祛惡古所稱
土華依約葆光晶如凍梨貌壽而貞
出從誰氏之佳城
黃腸曾以伴漆燈有可欲焉終復呈孝文
斲絮誠何情

賦得瑾瑜匿瑕

得清字八韻
散館試題

瑜瑾雖希有瑕疵亦偶呈
取長毋盡棄捨短要歸貞
輝憶石初韞察休水至清
德音思對菲善誘貴權衡
苟得精磨致終看寶器成
隱之畧一玷揚矣獲連城
鮑識管

家仲魏論陳氏平溫舒述傳語切已厘予情

端午日侍

皇太后宴並攜王大臣觀龍舟

夏節兼逢

大慶年天中無事不稱仙欣看麥穗迎薰實自合榴花
分外鮮蒲宴聯情嬉有戒龍舟觀度鬪應捐呼前笑謂
于闐長

郡王霍集斯賜第京師是日並命預觀霍集斯向即為和闐部長也

投石寧湏一

顥圓

雨

五月初六日

一夜風聲枕上吹
情知無雨雨其宜
詎期霖霖銀筠織
正喜菁蔥玉黍滋
稠疊

天恩欣越懼循環
民計度還思夏雲
卓午晴尤好麥穗
千疇曬粒時

即事

昨朝劇炎今日爽
炎因蒸雨爽雨墜
麥穗黍苗俱合宜
天恩今歲真優被
街頭鬻餅大於前
兼之價更落一錢

困者自咎居奇失及時出糶相爭先壟斷誠有賤丈夫
農慶其術安施乎所以乾乾厯祈歲化民成俗無多事
題文徵明贈王穀祥東坡詩意圖即用其韻

作輟八年歷食眠京華吳下幻江煙

二句見徵明識語中

祿之設

問停雲事依舊波含碧落天

賦得五月鳴蜩

得清字八韻
朝考題

散步芳隄上如簧乍弄聲初聞未慣耳徐繹頗含情好
雨無逾節知時逮化生幽風曾叶什月令善窺衡但鼓

脇為響寧騰口浪鳴以旁真是別雖噪不離清駱詠且
須待江脩信致精寒蟬何足取即事慎揚明

復雨

五月初
八日

前日雨已二寸滋高原接潤下濕泥午霽恰喜宜曬麥
禾黍怒生秧綠齊此時雨弗雨皆可未免盡善望殷我
午映雲作復霈膏徐徐疾疾焚絲墮不期而獲感益深
匪今伊昔今斯今入夕溟濛猶未止更思明曉時晴美
雨中泛舟

煙斂風吹試漾舟不多時復冷絲浮黃頭漫慮筠篷濕
藻藻霏霏正好遊

岸轉溪村到始知秧齊綠稻正含滋水車罷轉茅亭靜
便是吳牛意亦嬉

理事

宮庭曰御門園林曰理事無日弗疇咨愛禮存羊意黃
閣承絲綸綠籐引郎吏何務不宜慎况此勅幾際宿雨
快新晴廣廈無暑氣祈農有佳象籌遠罷嚴備戒滿以

為惕敢曰逢時瑞

題黃公望山水

野閣虛支流水上飛泉遙落白雲中老翁八十猶軒輿

見大癡
自識語

筆力應然積健雄

再題廓然大公八景

雙鶴齋

詎是尋常戀稻粱仙禽雅合駐仙鄉形容不擬輕為賦
明遠佳辭已擅場

規月橋

枕岸看如上下弦影波原見一輪圓是為規月是真月
照徹三千與大千

峭蒨居

孰謂真山是假山亦看峭蒨亦孱顏設如放眼觀環海
泰岱嵩高黍米間

影山樓

樓俯清波波影山文窓棐几稱高間是憂勤匪高間者

祇覺憇然於此間

披雲逕

靄靄英英曲逕循乍開當面聳嶙峋
霑衣不識緣何故長史清詩妙契神

綺吟堂

美景良辰奚遣興鋪箋點筆每敲吟
是予結習非予善要亦不因此放心

韻石淙

石將水本寂然物韻出無端兩相入聲遭一切有為法如
是心源定處不生濤

啓秀亭

水木澄華竹石清于于屨步足怡情如從六藝漱芳潤
先獲我心是士衡

湛清華軒

水木清華處軒楹秀野間抽書帷汲古搜句亦消閒梯
浪鷗朋聚構巢燕子還適來晴雨若茂對得怡顏

靜娛書屋

潔治書廬纔兩間
寂欣開戶見青山
靜娛偶取佳名耳
一日萬幾安得閒

湯泉蓮花

泉溫地氣溫
花窖焙堪擬
蕤賓蓮放葩
六月春光奚護
芳勤苑吏獻
新忙內使膽
瓶作清供
因之思物理
雖云熱中屬
不失為君子

雨

五月十四日

麥將報熟晴云可禾正發生雨實佳間露陽光宜曬穗
又霏膏澤喜滋亥似茲

天意如人意益切惕懷勝慰懷都道今年逢大慶明知
鴻貺為

思齋

和閨玉韞

嵩高五萬聳崑崙玉子叢生玉水源因琢精璆厥貢篚
用成圓韞此閨弭閉關未可學光武勝敵聊如識叔孫

馭遠詰戎服海表不忘意即箇中存

暮雨

五月望

暮雨滋禾隴午晴曬麥田
具成時若歲益感好生
天響入銅壺靜祥調玉燭
宣殷勤還自問何以答
皇乾

題沈周漁翁筍頭

摸索青竹籃得魚供脍鱗
是中多隱人而何欲逐逐
口銜綠葦枝將以穿魚腮
船泊前溪曲曹騰歸去來

御製詩三集卷十三

欽定四庫全書薈要卷一萬三千四百四十三

集部

御製詩三集卷十四

古今體一百三十三首

辛巳六

仲夏萬壽寺

北至言將致戒時還宮取便又臨茲詎云適興遊方外
總為祝

釐相所宜雨後松風含颯爽午前花露艷葳蕤僧人衣
紫門旁蹠可識袁州鄭谷詩

樂善園

精藍畧領伊蒲味順水進船真快意芳園岸側可徑孤
綠天深處聊成憇小憇清華水木軒當年康邸餘顏垣
稍加修葺復舊觀去聲東平樂善名猶存善之量誠殊大
小樂所被應有多少何人可無樂善心詎止燾黃苴白
道顧名思義我尤殷安得天下皆善人優遊無事風俗
醇四時不忒歌恒春

蘊真堂

一歲名園來幾度庭前花木鎮如新生機無在無不在
是謂書堂善蘊真

仲夏瀛臺

雨霽朱明曉亦涼順塗總駕賞煙光誰云城市無三島
即聽松篁有八琅荷未放花先吐葉燕來窺戶舊巢梁
弄田自是芄新穎悅在農郊景勝常

淑清院

金碧樓臺瀛島望淑清山水瀑簾聞一般都是勝朝蹟

奢儉之間異所欣

韻磬居

風水相吞吐磬聲出碧鄰自成宮與角底辨主和賓似
矣彭蠡口居然泗水濱東坡笑李渤蓋是特欺人

題古扇十柄

松翠桃紅太古春四圍山色邏嶙峋高人獨泛澄潭月
不向武陵重問津

右張宏松灣桃浦

花中自是風流品底事杜陵詠未閑
莫訝兩禽分背立其間樂意正相關

右凌必正棠枝語禽

山塘虎踞勢崔嵬塔影當天空

去聲

講臺樹樹峯峯似相

識箇中曾是品題來

右陸治虎墅清遊

與雪曾無半點差
酣紅香裏翦風斜
未離飛鳥於何見
不愛梅花愛杏花

右吳令杏花白燕

千盤棧道與雲連
旅客貪程各向前
千古題詞誰造極
依稀憶得李青蓮

右袁尚統蜀山行旅

介芳氣味雅相投
猗朶猗竿顧影幽
應是庭中詠絮罷
自於林下寫風流

右趙文倅新篠幽蘭

萬玉叢中伴七絃
動操且置坐聽泉
不為羽調定商調

琴外傳琴是畫禪

右董其昌竹泉琴韻

秋樹含風踈動枝坐觀飛瀑落屢屢色聲淨處忘空有
忽憶山莊曾爾為

右邵彌秋亭觀瀑

梅石曾尋德壽宮簞頭猶見舊家風
寒香不是人間卉
只有幽篁訝許同

右藍濤嫩籜寒香

漾月涵空萬頃鋪遠山一抹有還無扁舟溶演歸何處
可是從茲入五湖

右周時臣越溪秋泛

弘德殿齋居

致齋返彤宮勅幾臨紫殿對時凜金柅惜陰聆玉箭弘
德構斯肯循名實期踐叶敬

天在愛民居貴可忘賤籌治誠契要勵人已敢倦時豫
允厚幸厚幸益兢戰庶幾奉

前猷億載皇清奠

靜怡軒作歌

城市人煙庶倍常宮庭繚繞圍紅牆比較園居實覺熱
祇有靜怡猶爽涼靜怡爽涼寧繫境白傳詩禪趣堪省
然予憂樂以天下自怡詎可常耽靜

英華殿菩提子數珠

七樹恒沙結子多

菩提樹七株森列
殿墀事見前歌

數珠拈百八云何

欲因悠久卜皇祚詎是尋常佞佛陀顆顆圓融開意蕊

累累聯綴振禪柯蓮池淨業吾無暇

蓮池蓋守中峯清規念佛者

靜

置如聞鳴法螺

題陸治層巖飛瀑

幽人坐水閣背聽飛瀑聲隔岸聊縱觀桃花幾樹榮聞
性實而近見性虛而明虛却慮指蔽實不礙垣橫五官
各有長殊用在致精量材善器使耳目功乃成

北郊禮成有述

北至今時屆

澤壇古典稽晉琮欽

母事載物德

天齊雅樂惟依律太羹不和醯雨暘叨

厚貺雲氣又生西

郊外

郊外今朝見麥收崇墉比櫛積如秋念茲希有叨
天貺虔輦猶深保泰謀

尚餘春麥未登場更說傭人價倍翔數十年來幸一遇

敢云穀賤厪農傷

雨

五月十九日

邇日炎方熾思量一雨宜祭迴纔吐靄午過遂霏絲頓
欲衣添袷已欣餅上匙溟濛煙水意耐可泛滄池

題張宗蒼雨景

猶有宗蒼畫未題補吟正值雨雲低斯人已往曾何往
此句全提非半提

雨中泛舟

上下縱橫清不禁真教澄瀘盡神心却無點土遙疑岸
乍欲添衣涼滿襟雨裏山如潑墨色風中橈似戛球音
水晶宮殿麟毫捲從此防丘定可尋

題長春仙館

舊室何來仙館號長春緣識

聖人名敬思仁也今天下偶憶閒哉昔玉京對景那能
仍獨樂翻書惟是慙去聲躬行宜晴宜雨農功協花木今

纔一遣情

澄素樓作

層屋鏡中央石橋接逕長春秋風月趣上下水天光澄
到塵無處素先繪有常不忘叅理性攬景定何妨

池上居

何處暇居宜文軒臨碧池舊年如昨日長夏又今時偶
撫幾家帖或吟數首詩幸逢暘雨若與物共熙怡

古筵頭三首

試問陌頭牽別恨何如洞口引仙緣勤中合寫非無意

欲借清風示畫禪

右王武桃花楊柳

野水斷橋蘆荻蒼高槐花色半開黃短亭策騎伊誰氏
似赴長安舉子忙

右孫枝秋原策騎

蠟觜翻翔萋萋枝口銜金子嚙猶遲一般名字兩般物
蠟觜亦名梧桐誰主誰賓各不知

右陸治梧桐蠟觜

仲夏遊玉泉山觀麥誌喜

遊山却步輦信馬試絲韁藉欲知勞逸因之赴爽涼煙
宮憩席玉綈几挾毫霜騁望真餘喜崇墉圃麥黃

近青閣

樹深嘉蔭草數馨屨步因成小憩停延閣今朝信名副
四山雨後濯濃青

題擷翠樓

一翠林巒萬態奇高樓座每向窓移西山爽氣在襟袖

南渚澄波映目眉蟬始曳聲風助響荷將吐色露生姿
可知攬景擷芳處總是對時育物時

弄珠室

水軒臨平湖湖中泉噴珠其數乃無萬忽有忽復無顆
顆皆圓融融朗朗絕覲覲信摩尼真實不藉鮫人輸照乘
彼小哉如意如是夫

賦得風篁清聽

耳食取無盡心參用有餘偶披風送爽恰傍竹延虛傾

金
卷十四
聽神俱靜含清志以舒龍文依節變鳳籟自竿徐落落
八琅作蕭蕭五蘊除辨聲師曠擅到此合茫如

靜怡書屋

一室惟饒靜六根總覺怡纖塵不到處長夏恰來時泉
韻清盈耳松陰翠匝墀祇宜終日坐亟去笑何為

內朗室

明暗相循豈有窮六根六識蘊其中驀逢摩詰還應問
鼓頰花開幾度紅

題錢貢瀟湘八景

昏黃夕色入醺醺秋水無端漲夜池
恰似樊南歸未得
沉吟憶著北人時

右瀟湘夜雨

七條披處六根灰定有天花落講臺
認是開元寺西閣
暮聲浮過洞庭來

右煙寺晚鐘

晚帆何事未云收不是名舟定利舟
帝女出遊澧沅浦

飄風作矣且宜休

右遠浦歸帆

莫厭水多山勢少試看晴靄蔚巴陵清新最愛青蓮句
秋色蒼然際海澄

右山市晴嵐

月不流波亦不流笑他木葉下生愁湘君那倩詩人弔
萬古洞庭萬古秋

右洞庭秋月

春北秋南信不違沙明水碧任翔飛上林矰繳無須慮
未管蘇卿閒是非

右平沙落雁

澄潭落網得江魚鼓枻斜暉樂水居莫笑漁家無古話
大夫曾昔見三閭

右漁村夕照

江天爭雪不爭多幾疊銀稜間翠螺直與屈平寫神照
那更馬遠較如何

石渠寶笈藏有馬遠瀟湘八景畫卷

右江天暮雪

雨後萬壽山

今年暘雨特和時為此尤殷戒滿思雖是乘閒事遊歷
敢云對景恣熙怡籠庭水樹宜涼影匝砌煙花帶露姿
所喜予心別有在十分麥穫稻秧滋

延清樓四題

春風

習習出深谷蓬蓬拂遠坳雖資搖葉發莫便致花零披

去十分快御來五日冷獨宜石泉側益覺入清聽

秋月

窓俯淥溪濱團團上下輪與秋為契友得我亦佳賓太白非希彼伯淳略可人霓裳知有曲不向廣寒詢

夕靄

西山正當戶夕靄遠迎齋常接氤氲氣堪澄澹蕩懷鋪來空水合捲得利名皆處士寧欺我尋思真覺佳

朝嵐

非煙迷遠嶠映日認晨霞縷縷依林表濛濛暗水涯
粥香出旅店鐘韻落僧家且愛一樓領休同八伯誇

水周堂

戶對西山夾階含北渚流一庭畫無盡四面鏡常浮
清興不期引澄觀隨分投如云比德澤亦欲萬民周

構虛軒口號

小憩雲軒近顥空促成七字八义中興將景究來何處
試問構虛是異同

雨

六月初
二日

數日以來實盼晴所為收礬麥未畢街頭新餅已上盤
麥後種菽苗又出昨近炎蒸特異常雨其時矣奚可必
卓午雲生倏滿空初風風息雨隨密或徐或疾或盆傾
簷溜已鳴溪水泌如人所願惠

天恩普利農功真大吉怵惕自問承惠方惟益愛民凜
無逸

題董邦達葛洪山八景

紫雲峯

際天峯疊樹槎枒日照晶晶蔚紫霞底事千秋色不變
多因津逮潤丹砂

清虛宮

夷峻仙館號清虛壁有人間不識書李氏
名昇五代人有葛洪移居

圖

若成手卷畫想當移向此中居

留雲院

舊宅蕭蕭萬木稠誰云雞犬盡仙遊却看黃鶴千年返

識得白雲一片留

幽栖寺

有泉落落有山嶙結箇茅菴足養真莫怪無端居竺氏
一般都是出塵人

嘉植園

種田治產那關心樹亦成仙鬱到今不向丹臺稽姓氏
定須認作董家林

垂露巖

嵌巖鍾乳滴泠泠一飲能教骨換青有此天然會真處
令求勾漏底須寧

惠利祠

一水縈紆幾溯洄

此水流為唐河西巡時凡數經之地方官動帑架橋以濟

治稻田開

乾隆十年命直督高斌引唐河之水疏渠開田民資其利

濟人遺世同源

處始識葛洪山下來

璇源谷

飲水遙知方折源佳哉山色蒼巡轅侍臣信有傳真筆

却合吾心向所存

籠鳥一首

籠鳥來嶺南毛羽甚楚楚問胡別故鄉祇為工言語其
言自弗知耳食非心杼原有一藝能得廩半合黍所樂
未斯存騰踏不安處致拋散餘糧紛紛鋪砌礎野雀呼
其羣飽食翩高舉籠鳥磔磔鳴已殮恨他取

題含碧堂

長春仙館中
舊時書室也

書屋倚滄池盈窓漾綠漪水溫冬不凍

是處水溫
冬常不凍

夏爽

月來時靜可澄觀物動常引構思卅年前所作都大取
於斯

碧雲樓

高樹橫樓出碧雲金字題含風翻颯颯過雨轉淒淒絢
帙氤氲映晶簾淡蕩低晚來更別致山色夕佳西

鳴玉溪

高水盈科自就下泠泠韻出玉鳴溪問珩已致王孫誚
祇有林泉無礙題

思永齋

佳處堪永日因題思永名絜矩在虞書詎惟怡六情政
靡不有初道益謙虧盈肯構期於萬亦云觀所行即景
識心官慎修勵以誠

眉月軒

臨水疏軒曲若眉人猶未當去聲月猶之那更法善資神

術即看當前七寶池

鏡水齋口號

銅鑑衣冠正人鑑善惡知閒齋名鏡水清濁別於茲

稻涼樓

綠塍渾是水雲鄉觸目知耕復課桑此處不須稱避暑
北窓常引稻風涼

賦得天水相與永

生一還為一上空合下空因遙翻似近不隔本來通詎
必星辰列猶嫌荷芰叢道存昭曠裏機息躍飛中有有
無無始澄澄蕩蕩融臨池王內史八法會其同

新月

六月六日

新月寬於眉有光半因載月半乘涼秋蟬試響初聞處

是夕秋蟬
始有聲

彈指流陰幻是常

瓷猫

動物何來埏埴成官窰不辨宋和明笑中正自疑義府
指處真堪諷蔡京陶犬瓦雞恰宜伴盆魚壁鼠漫須驚
置於燥色牡丹側方識如絲正午晴

荷露一首

瓊葉承珠露收來沆瀣新延清蕪却暑癡念笑銅人

季夏討源書屋

卅年景猶故

夏清退常欣每此咨敷政覆其仰

故勲天機物長養道趣水溶沄便爾搞毫詠寧如大塊
文

昆明泛舟示尹繼善

泛舟昆明攜近臣繼善南來亦同舸忽然博古謂盛世

襲彼漢名似弗可笑而謂之意固佳黑土原非沿劫火
未聞神池自堯乎

皆見三輔黃圖

詎始茂陵劉郎那道古且置

言今時即云襲漢我不辭闢疆二萬里以外用兵纔閱
五載遲西海一帶皆吾屬歲歲入貢朝丹墀伊犁耕牧
日孳息烽火不作寧邊陲一狼千羊非所喻試問元封
能爾為

浮青榭

不雕樸榭水雲隈戶牖空明向遠開北渚碧波那流去

西山翠色自浮來愛看入鏡高低影底論為舟大小材
似此最佳終歲裏無過一至笑忙哉

雲松巢

松巢山半夏如秋更有白雲在上頭埤塹雲寧嫌拄破
氤氲松若喜同流似茲合處陶山相否則相於沈隱侯
我自先憂後樂者是間奚可久淹留

賦得揚仁風

為軒如扇樣對景與題名擬欲仁風遍非圖暑氣清怨

咨方在念懷保要惟誠持贈綸巾者休誇用智精

香岩室

依巖得古洞倚壁構飛廊入匪重門限坐生虛室光塵

祛滋意蕊聞復

讀如來復之復

發心香大士非空色端居如是

常

戲題留雲閣

香岩室右接複道雖非曼延殊窈窕高閣一間據極西
鑿壁安甍萬林表本來意欲寫江南江山清致頗能兼

坐未暖席輒復去亦予自問不解處

翠籟亭口號

籟匪翠所期翠匪籟所知流青飛碧間落落含金絲詎
云不得平亦欣所遇時翠籟真翠籟仙樂夫何疑

熱

六月初十日

不雨將及旬昨晚纔微灑僅看濕地茵未至溜簷瓦炎
熇邇來劇赫日赤如赭二麥已收定禾黍遍綠野長養
茲其時亟待甘膏瀉人咸云可需我獨覺難假今歲實

厚幸優霑春逮夏恃

恩或志矜致是遲遲者協時大雨行佇霈

天錫嘏

池亭對雨

六月十三日

晴空過午雲容委廉纖初作繼靡池亭披爽眇煙霄
滴滴濛濛卒未止勢將入夜審何妨時行大雨惟時矣
自春徂夏屢霑膏麥收禾長稀逢此近旬不雨我已愁
乃知患失吾猶爾霰霰滋地將寸餘夕陽忽露天衣綺

何當大需達明晨普愜三農望全美

題陸治四時蔬果卷

各種頗多但取文徵明王寵王穀祥彭年諸人所曾詠者

題句亦旁及

未經詠者

笋

子瞻玉版名雖好佛法賺人又底為記得韜光雲徑側
山僧帶雨劚來時

佛手柑

曰香曰嗅作麼會非色非空那可拈便與朱櫻紫菱伍

二物卷
中所有
如行異類正何嫌

荸薺

刺齒鏗然沁冷香紫瓊丸貯碧琳筐江鄉風味真清絕

何事偏方豬與羊

見本草
衍義

杏

色似黃金初過火味如白蜜畧加醯木奴謾詡千頭富
藥料還看萬樹齊

桃子

收核劉郎意太貪
十年一實待誰堪
不如長嘯歌梁甫
又恨曾讒壯士三

楊梅

飛雨濛濛渾節令
金丸綴綴滿江干
楊家雖與梅家合
猶帶心中一點酸

茄子

衣紫僧人味偏好
畫禪五詠有同心
終須粉本輸南宋
錢氏三疏憶背臨

枇杷

底事名同火不思風前聲勝四條絲從來蹤跡絕江北
應恨明君出塞時

荔枝

夏末秋前閩貢到

寢園薦罷亦分頒依然時節依然果幾度迴思幾度潛
蒲萄

有苞無核亦奇哉綠玉瓊漿到口開堪證漢書非大誤

移根新自葉羌來

蒲萄始張騫移自西域漢以下無異詞獨蒙泉雜言引本草已具神農九

種及魏文詔稱中國名果云云為不自西來之證然考腹地蒲萄別種雖多而色綠無核者絕無其產今回部胥定葉爾羌諸城歲以充貢並命移條植之則漢書所傳自為有據

藕

天然白質吐花紅太華峯頭想像中
却訝緣何絲不斷
多因七竅特玲瓏

石榴

一顆中含子百房間誰解與醞天漿
六根八識胥何物

不及於思可口嘗

沿籬豆

引蔓牽條詎善緣
垂垂花實蠟
姍然秋風籬落金剛句
絡緯聲中又一年

香櫞

具珠之體具檀味
總是祇園席上珍
設使不妨以色見
圓圖金粟即前身

柿子

霜落秋林熟爪鴻下過中社酒村翁似茲那藉封侯號

却見稗官擬剪桐

見張定在田錄
紀明太祖事

蘿蔔

淡白深紅帶露新熟餐生啖勝行鱗包山設色諸賢詠
同是箇中識味人

夜雨

六月十五
五日

詰旦細雨卓午晴傍晚西山雲復生風吹雨去露皎月
載月不樂心怲怲初更就寢二更問雲雖屢作星猶明

三更假寐畧睡去忽聞簷溜激越鳴疑是夢耳宛醒在
妙哉酬我延佇情時疾時徐聽歌枕銷人報已歷四更
擬聲乃在五更失曉起餘戀懷中縈不雨固可冀再雨
多多益善資農耕

復雨

六月十六日

昨夜雨已好侵晨趨問

安視事取近便依例憩討源進止次第畢駕言萬壽山
山氣較前佳吾猶冀澤連便命肩輿歸御園纔登船雨

脚森然落三峽忽倒懸豐隆奮厥鼓列缺揚其鞭咫尺
幾曲川渺若無涯邊但見上與下一水無餘焉炎熇頓
如失切體生微寒此番實暢足額手慰且虔明當返清
禁吾將驗諸田

郊外

園居欲彌月心在郊外田不如目見之今朝始欣然早
苗固已秀新秧亦芊緜都因一雨佳寧不謝

泰元謝惟期實耳欣即慮矜焉實勵以敬勤矜祛益惕

乾

季夏鏡清齋

皇子成婚返禁林，水齋取便一來臨。
石泉過雨聲偏壯，夏木鋪陰翠益深。
成趣靜因工斷手，引機動以景怡心。
如駒迅影即常住，何礙星星鬢角侵。

沁泉廊納涼

雲廊對鏡齋，沁泉斯其名。
引水流屋下，落溪颯有聲。
步屣過石橋，乘涼坐南榮。
松風送爽來，正值宿雨晴。
澄照

與清聽均足怡神情因悟就濕性所貴由天成搏激夫
何為子輿論實精

畫峯室

蹀石度溪流書室秀而野初不知有峯峯列北窓也高
下入畫情是誰逸筆寫謝客句斯拈李仙燭斯把丹青
色或渝松杉韻非假竒在聽有聲瀑水泠泠瀉

太液池觀荷詞四首

宿雨初收太液池紅花總是出塵姿巧逢鳴蹕旋清禁

似向人言正好時

蹟久泥深花最稠
西池原在帝王州
人間若復方君子
應是八元八凱流

香霞難想檀兮麝
文錦何妨綠與紅
却恨春明真夢語
獨教佳景讓秋風

等閒未放擷芳船
葉葉花花契靜緣
讀遍三唐採蓮曲
阿誰不是愛妖妍

待月

六月十七日

夏夕載月宜盈手冰光滿今歲雨暘時幸可閒遨散近
旬澤稍稀踊懼將成旱未至徹減甚泛舟心獨憊一夜
大霑膏雅得事遊行誰知時易遷月上較前晚待之迤
西岸東岡屢舉眼金輪湧出林大地清輝轉譙樓已初
更却命蘭橈返徘徊詎不佳流連實非善

書筵頭賜駐守伊犁內大臣阿桂

典屬今時班定遠冠軍昔日霍票姚

阿桂於平回部時以歷戰奏奇捷今

統留駐伊犁兵循行諸部屯政撫輯合宜其勇決沈斷殆兼霍班之美

雪塗無藉持清暑

欲扇仁風萬里遙

讀書

聰明不可作逸豫亦戒盤長夏幾務鮮為之弗遑安何
事足陶情諒無過簡篇開卷斯有益淳化垂名言三百
蔽以一無邪得心官切已更請進惟曰為君難

恭奉

皇太后御園觀荷作

霽雲初過雨拖雨又生雲暑月無炎氣清花有淨芬允

宜邀

懿賞至樂謝繁文鏡面披仁壽香霞於上氲

藻園五詠

石

莫謂一拳小請看九仞高飛來舞鸞鳳捲去擁波濤得
受衣冠拜誰能繩墨操置之滄海上端合駕神黿

泉

牆外引高水流為石下泉雖云因假藉亦自有淪漣可

愛一泓貯寧須百道懸回回縈碧澗琴語聽成連

松

放幹遲楊柳大材不速成卅年纔入畫九夏正當楹蔽
日衣衫爽疏風几席清如逢橘中叟借與置棋枰

蓮

穀雨分秧藕三庚吐蕊蓮育才應育德稱潔不稱妍露
葉含香細風葩入影鮮何須涉江采俯檻便芳拳

鶴

胎仙抱卵成埭畔引教行雖覺同廝養猶看是傲生身
無入俗韻唯有唳霜聲設使冲霄去可能識玉京

連陰

六月二十日

山易生雲雲易雨時行應節已連陰剛欣綠野歌優渥
又覺周書陡厓心

繪雨精舍漫作

春雨惟知喜言北非言南夏雨愁喜半取時非取淹喜
愁自在人何與去聲彼震震惟人所欲多捨喜趨愁甘望

之未久忘對之轉微嫌似此無厭求母副子難堪繪事
在傳情聊誌吾所慙

題霽華樓

初收宿雨霽華披近遠峯巒濯翠姿却似高樓解著語
壁間宜有喜晴詩

喜晴誌言

望雨雨喜雨冀晴晴喜晴究之冀望多可以覘人情知
足弗冀望繫我猶未能我恒籲諸

天時蒙

恩佑承萬民，溪我澤可忘。保赤誠克舜，雖猶病願言存。

哀矜

夜雨

六月廿三日

剛喜兩日晴，復聞半夜雨。間作知不妨，終覺憂心恒。二
麥收已定，大田美兆許。何以保美兆，惟賴時若叙經事。
慮轉多患失，愁益憚明朝。晴斯佳，歆枕以延佇。

西直門外

夜雨廉纖破曉稀
視朝清禁駕言歸
東華日朗浮雲散
郊外晴光颺翠旂

剛盼時晴果放晴
苗而秀實待西成
霽煙猶戀衢旁柳
萬縷珠光綴艷晶

豐澤園小憩

樸斲

先朝制劬農今日同
若時真是澤未獲
敢言豐惟此勤
民計無他厘我衷
曉涼復餘暇暫憩
瑞雲叢

虛白室

石縫若無路松巢別有天
虛原白之母夏以日為年
風度座拋扇雨過樹噪蟬
吟安便移步藉悟不流連

植秀軒

不栽楊柳不栽槐但植篴簫
繞閣齋萬玉晴煙敲秀色
肩吾句裏識真佳

古籟堂率述

太古此天地太古此風月
斯堂籟稱古名因古枯發枯

雖老他樹生自金源勃以視嵩陽植籟古千載越俚
遺堯物古更嵩陽突展轉溯厥初古固不可竭惟其不
可竭謂斯古亦達喬枝落落鳴那管間批抹

沁香亭


臺亭百步接迴廊液沼平陵號沁香甲煎罷燒雲錦纈
果然六月有春光

養心殿晚坐

園林夏氣清宮庭市煙近視朝不可闕暑節彤闌返雨

霑弗覺炎涼颶雞樹晚此時雖幾間農務籌邇遠大抵
麥收佳禾黍苗芄芃但祈時暘若可冀西成允誰為無
望人望歲吾尤緊

御製詩三集卷十四



總校官庶吉士臣待朝

校對官編修臣閔惇大

謄錄監生臣任益春